

Obra hondakinak udal zabortegeian botatzeko prezio publikoak arautzen dituen ordenantza fiskala behin betiko onestea

Berako Udalak, 1999ko urriaren 28an eginiko osoko bilkuran, Obra hondakinak udal zabortegeian botatzeko prezio publikoak arautzen dituen ordenantza fiskala hasiera batez onetsi zuen, baita dagokion tasa ezartzea ere.

Ordenantza hauek 30 egunez jendaurrera zabaldu ziren, 1999ko azaroaren 17ko 144 zk.ko Nafarroako ALDIZKARI OFIZIALEAN iragarkia argitaratu eta Udaletxeko iragarki oholean paratu eta gero.

Jendaurrera zabaltzeko epea bukatu eta gero, ez da inolako erreklamaziorik aurkeztu; hortaz, aipatutako osoko bilkuran hartutako erabakiaren 4. puntuak dioenarekin bat etorriz, ordenantza fiskal hau behin betiko onetsi dela ulertuko da.

Beran, mila bederatziehun eta laurogeita hemeretziko azaroaren hogeita hamarrean. Alkatea, J. Goia Etxeberria.

OBRA HONDAKINAK UDAL ZABORTEGIAN BOTATZEKO PREZIO PUBLIKOAK ARAUTZEN DITUEN ORDENANTZA

1. artikulua. Ordenantza hau martxoaren 2ko 4/1999 Foru Legeak aldatzen duen Nafarroako Toki Ogasunei buruzko martxoaren 10eko 2/1995 Foru Legeko 100. artikuluan eta hurrengoetan xedatutakoaren babesean ezarri da.

2. art. Zergagaia, obra hondakinak eta material inerteak, ez kimikoak ez organikoak, udal zabortegeian botatzea da.

3. art. Zerga ordaintzeko beharra obra hondakinak udal zabortegeian botatzean sortzen da.

Obra hondakinak bota aurretik, Udalean dagoen inprimakia bete beharko da, bota gogo diren kamioi hondakin eta tonak adierazteko. Beti ere, inprimakia sinatu egin beharko da.

Obra hondakinak egunero botatzen direnean eta aste bete baino gehiago irauten duenean, enpresak bidaien aitorpena aurkeztuko du astero Udalean, astean botatako tona kopurua adieraziz, udal langileak daraman kontrolaz aparte.

4. art. Obra hondakinak botatzeko baimena eskatzen duten pertsona edo entitateak izanen dira subjektu pasiboak, baita baimenik gabe botatzen duten pertsona edo entitateak ere. Botatzeko aitorpena sinatzen duena eskatzaileztat hartuko da.

Entitate edo pertsona batek obra hondakinak botatzeko beste enpresa bat kontratatu eta aitorpena horrek sinatzen duenean, zein entitate edo pertsonaren izenean egiten duen adierazi beharko du bertan. Obra hondakinak botatzeko

enkargua egiten duen enpresa izanen da obra hondakinak botatzen dituenaren ordezkoa, dirubilketa kontuetarako.

5. art. Zuzenean sortutako obra hondakinak deusezteko zerbitzuari dagokionez, botatako tona kopurua da zerga-oinarria.

6. art. Eranskinean adierazi dira indarrean dauden tarifak. Urtero berrikusiko dira tarifa horiek.

7. art. Obra hondakinak bota eta modu egokian jarriko dira eta zanpatu edo sakanera bultzatuko dira.

8. art. 1. Zabortegia erabiltzeagatik desegin edo hondatzen bada, onuradunak, behar den prezio publikoa ordaintzeaz gain, behartua egonen da berreraiki edo konpontzeko gastuen kostu osoa ordaintzera, eta horren zenbatekoa aldeztatik aurretik jartzera.

2. Kaltea konponezina bada, Toki Entitateak kalteordaina jasoko du, hondatutako ondasunen balioa edo egindako kaltearen ordaina, alegia.

Inoiz ere ez ditu barkatuko Toki Entitateak artikulua honetan aipatu kalteordain eta itzulketak.

9. art. Prezio publikoa ordaintzeko beharra obra hondakinak botatzeko baimena ematen den unean sortuko da edo botatzen hasten denetik, baimenik gabe egiten hasi bazen.

10. art. Arau-hauste larriak dira:

a) Baimenik gabe botatzea.

b) Material kimiko eta organikoak botatzea.

c) Zabor hondakinak botatzeko aitorpena ez aurkeztu edo okerreko datuekin aurkeztea.

d) Hondakinak ez zanpatzea.

11. art. Arau-hausteei eta zehapenei dagokienez, Ordenantza fiskal orokorrean eta Nafarroako Toki Ogasunei buruzko Foru Legean xedatutakoari jarraituko zaio.

AZKEN XEDAPENAK

Lehenbizikoa.-Besteren ordeztatik aplikatuko da ordenantza fiskal orokorrean eta Nafarroako Toki Ogasunei buruzko martxoaren 10eko 2/1995 Foru Legean xedatutakoa.

Bigarrena.-Ordenantza honek bere testua oso-osorik Nafarroako ALDIZKARI OFIZIALEAN argitaratu ondoren hartuko du indarra, eta ondorio juridiko osoak izanen ditu.

ERANSKINA

Tarifak

-750 kg-tik 4 t bitarteko kamioiak: 1.370 pezeta - 8,23 euro kamioiko.

-4 t-tik 10 t bitarteko kamioiak: 2.643 pezeta -15,88 euro kamioiko.

-10 t-tik 20 t bitarteko kamioiak: 3.965 pezeta - 23,83 euro kamioiko.

-20 t-tik gorako kamioiak: 6.000 pezeta -26,06 euro kamioiko.